



Na osnovu odredaba Zakona o osnovnom odgoju i obrazovanju („Službene novine Kantona Sarajevo“ broj: 23/17 i 33/17), i Pravilnika o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo” broj: 2/18), Školski odbor Javne ustanove Osnovna škola „Vrhbosna“ je donio Odluku broj: 66/18 od 14.02.2018. godine, objavljuje se **PONIŠTENJE JAVNOG KONKURSA ZA IZBOR I IMENOVANJE DIREKTORA/CE JU OŠ “VRHBOSNA” SARAJEVO**

Poništava se konkurs za izbor i imenovanje direktora/ce JU OŠ „Vrhbosna“ objavljen u dnevnom listu „Oslobođenje“ dana, 05.10.2017. godine.

Na osnovu člana 94. i člana 95. Zakona o osnovnom odgoju i obrazovanju ("Službene novine Kantona Sarajevo" broj 23/17 i 33/17), člana 3. i 4. Pravilnika o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo” broj: 2/18) i Odluke Školskog odbora Javne ustanove Osnovne škole "Vrhbosna" Sarajevo, broj: 68/18 od 14.02.2018. godine, raspisuje se

**JAVNI KONKURS  
za izbor i imenovanje direktora škole  
na period od četiri godine**

**I - USLOVI KONKURSA**

Pored općih uslova predviđenih Zakonom, kandidat za direktora škole je dužan da ispunjava i sljedeće uslove:

- a) da u pogledu stručne spreme ispunjava uslove za nastavnika, pedagoga, pedagoga-psihologa škole u koju konkuriše,
- b) da ima najmanje osam godina radnog iskustva i od toga najmanje pet godina radnog iskustva na poslovima u nastavi ili na pedagoško-psihološkim poslovima ili na rukovodnim poslovima u školi,
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa,
- d) da ima najmanje zvanje mentora,
- e) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na javni konkurs,
- f) da se na njega ne odnosi član IX 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred Tribunalom),
- g) da nije osuđivan za krivično djelo i privredni prijestup nespojiv sa obavljanjem dužnosti direktora,
- h) da nema privatni finansijski interes u školi u kojoj se kandiduje za direktora,
- i) da nije lice koje boluje od zarazne ili duševne bolesti,
- j) da nije alkoholičar, odnosno ovisnik o opijatima,
- k) da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg krivičnog zakona može izreći kazna zatvora u trajanju od tri mjeseca i više,
- l) da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine i Zakonom o ministarskim, vladinim i drugim imenovanjima Federacije Bosne i Hercegovine,
- m) da nije lice razriješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora,



## II - SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerenu fotokopiju):

1. Svojeručno potpisanu pisanu prijavu sa kontakt podacima i tačno navedenom dokumentacijom koja se prilaže uz prijavu na javni konkurs
2. Kratku biografiju
3. Izvod iz matične knjige rođenih
4. Uvjerenje o državljanstvu (ne starije od šest mjeseci od dana objavljivanja konkursa)
5. Diplomu o stečenoj stručnoj spremi
6. Uvjerenje o položenom stručnom ispitu
7. Potvrda/uvjerenje o radnom iskustvu i radnom iskustvu na poslovima u nastavi ili pedagoško-psihološkim poslovima ili na rukovodnim poslovima
8. Rješenje o sticanju višeg stručnog zvanja
9. Izjava ovjerena kod nadležnog općinskog organa da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg krivičnog zakona može izreći kazna zatvora u trajanju od tri mjeseca i više, kao i da kandidat nije osuđivan za krivično djelo i privredni prijestup nespojiv sa obavljanjem dužnosti direktora,
10. Izjavu ovjerenu od strane nadležnog općinskog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na Javni konkurs,
11. Izjavu ovjerenu od strane nadležnog općinskog organa da se na kandidata ne odnosi član IX. 1. Ustava Bosne i Hercegovine
12. Izjavu ovjerenu od strane nadležnog općinskog organa da nema privatni finansijski interes u školi u kojoj se kandiduje za direktora i da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH i Zakonom o ministarskim, vladinim i drugim imenovanjima Federacije BiH
13. Izjavu ovjerenu od strane nadležnog općinskog organa da nije lice koje je razriješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora

### NAPOMENA:

Ljekarsko uvjerenje, izdato od strane javne zdravstvene ustanove, izabrani kandidat dostavlja školi po imenovanju direktora škole.

Uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg krivičnog zakona može izreći kazna zatvora u trajanju od tri mjeseca i više, te uvjerenje da kandidat nije osuđivan za krivično djelo i privredni prijestup nespojiv sa obavljanjem dužnosti direktora, izabrani kandidat dostavlja školi po imenovanju.

## III - KONKURSNI ROK

Javni konkurs ostaje otvoren 15 (petnaest) dana od dana posljednjeg objavljivanja, te je krajnji rok za dostavu dokumentacije **utorak, 07.03.2018. godine.**

## IV – VRIJEME ZA KOJE SE VRŠI IMENOVANJE

Direktor škole će se imenovati na period od četiri godine.

## V - NAČIN I ROK OBAVJEŠTAVANJA KANDIDATA O REZULTATIMA KONKURSA

Školski odbor će u roku od osam dana od dana donošenja odluke o imenovanju direktora, o navedenoj odluci u pisanom obliku obavijestiti sve kandidate koji su se prijavili na javni konkurs.

BOSNA I HERCEGOVINA  
FEDERACIJA BIH  
KANTON SARAJEVO  
OPĆINA STARI GRAD



JAVNA USTANOVA  
OSNOVNA ŠKOLA  
"VRHBOSNA"  
BARUTHANA br.60

Telefon/faks ++387 33 24 01 00

e – mail: [osvrhbosna@osvrhbosna.edu.ba](mailto:osvrhbosna@osvrhbosna.edu.ba)

---

**VI - DOSTAVA PRIJAVE I DOKAZA O ISPUNJAVANJU USLOVA**

Prijavu sa traženom dokumentacijom kandidati dostavljaju poštom preporučeno na adresu: JU OŠ „Vrhbosna“ Baruthana 60, 71 000 Sarajevo ili lično sekretaru škole u zatvorenoj koverti sa naznakom „Prijava na javni konkurs za izbor direktora škole - ne otvaraj (Otvora komisija)“.

NAPOMENA: Nepotpune i neblagovremene prijave neće se uzimati u razmatranje.